

亥 21

7942-2

醫藥叢書第二集
第一種
市隱盧醫學禪書全



中華民國七年冬月鐫版定價每冊

市隱廬醫學集著全

紹興醫藥學報社發行



版藏紹
興裘氏

中華兒科千金方

紹興醫藥學



醫學叢書第二集敘

嘗謂一國之文明恃乎一國人維持之力而定其發達之程度伏羲之畫卦倉頡之造字神農之嘗藥使非後人起而維持光大之亦烏能傳於今日耶故大易曰作者之謂聖述者之謂賢韓昌黎曰莫爲之先雖美弗彰莫爲之後雖盛弗傳然則學術之興衰文化之優劣其繫於人何如也中醫自歐化輸入以來淺識之士往往厭故喜新是丹非素豈知中醫學術有超乎西醫之上者全國藥材有補歐美之缺者此其故蓋有數因焉一則中國文化發明在先其精神所到之處已非歐人所能及故中醫古書所言之理多有爲西醫所不能道者一則中國地大物博金石草木之中多有奇效藥品爲歐美所無者一則數千年來名醫輩出一家有一家之長一書有一書之用融會貫通已覺應用無窮以視彼醫校之數卷講義其精粗得失爲何如耶有此三因故中醫學術微獨相傳至今不墜且將永傳於無窮也顧自洪楊亂後名家著作湮沒失傳者不

渺近歲兵革疊興烽煙所至城邑爲墟生命財產舉莫能保而書籍之損失殆不知有幾千萬卷也豈非至可惜之事哉紹興裘吉生先生湛深醫術年來與其鄉邦名宿設會刊報提倡醫學洵今日之有心人也近復鑒於古書零落先賢遺籍湮沒不彰者甚多因慨發巨資選刻叢書其第一集已刻成者爲莫枚士研經言周氏易簡方集驗方羅謙甫醫案吳鞠通醫案惜分陰軒醫案人蔭考今第二集刻工又竣於研經言數種外復搜入市隱廬醫學襍著李冠仙知醫必辨其中或爲先賢遺籍或爲時賢名作皆極關重要之書也學者誠得此書而研究之已如入寶山而握驪珠其必能深造無疑也或者謂中國醫學今日已窳敗極矣而子獨津津贊美之何也余應之曰中醫之窳非窳於學術之不良實窳於人之不學亦猶今之國事敗壞生民塗炭也豈真中國之不可治哉執政者之不得其人也不但掌兵符之將帥不能如郭汾陽之赤心爲國而懷經濟之儒臣亦多心存利祿則國事安得而不敗哉惟醫亦然故欲求醫學

之昌明必先提倡學風苟人人皆以學術爲本精益求精則良醫必遍天下若不此之務而惟門戶之爭吾恐中醫固不良者多而西醫之不良者將接踵而起也豈不令人浩歎哉然則裘君此書當爲提倡醫學之嚆矢而於醫學前途有絕大關係者也爰樂爲敘而歸之

中華民國七年戊午九月江都袁焯桂生甫拜敘



醫藥叢書第二集凡例

一是書專刻先輩遺稿近賢新著並已行亡版之孤本期於流通不致湮沒而方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝爲完全藏書格式且爲完全國貨

一是集所採各書共計六種皆爲極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除附印另籌外照定價均無折扣但書業

一報社代售者不在此例

一凡各處圖書館閱報社報館學校本會會員本社社友如同時并購全集二



部者當加贈一部

一凡同時并購上百部者不拘全集單種准可附印只收工料但不得另行翻
列書冊論類全集近諸單種刻印民能代照或寄或購時
一購書者將書價及郵費一併用郵匯最為妥便不通郵匯之處以郵票代銀
亦可但須固封函內掛號直寄紹興城中鑒莖學報社收當班奉書不悞
一下集所採書目研經言吳氏醫案惜分陰軒醫案續刻外餘為葉氏晚年
醫案周氏集驗方續編張氏白喉證治通攷其亦六種幅頁較前加增定價
仍每部一元六角外埠加郵力二角六分惟因紙價昂貴不售預約

市隱廬醫學雜著敘

歲寒居士夙好儒書素研醫術不因人熱靡顧世非隨證處方惟求其是往往奏效甚奇一日出示所撰醫學雜著一卷蕩滌膚辭獨標精義鍼砭痛下藥石交投雖全豹未窺而一斑已見余因慙惠登梨出以問世所謂醫行仁術亦則隱之心所不能已耳豈以求名哉癸丑初夏揚子趙永年謹敘

癸丑谷月日 琴石山人陶鑄齋題

冬春一以爲人小三辭重論半字金體容不故觀古歸天我既氣音映音
非關人世衣炎氣必辟示來自源發音驚對計中育藥醫味醫醫具真衣
外表飄升養香於人小慈幸本同然諸報漫刃致平謝得人並宋臨收檢
時時寒學騎三廿亥的香式果一翕垂香舊舊市翻不報無實醫諸南

題詞

叔和家學傳三世，彥伯奇方聚一龕。
垂老著書耽市隱，不將鴻寶例淮南。
保赤應在養老先，人心慈孝本同然。
請將彭氏延年術，併入莊家福幼編。
非關人世亦炎涼，心氣元來自感傷。
省識性情中有藥，醫和醫緩具真方。
多君一片活人心，三絕韋編字字金。
對客不妨彈古調，天涯到處有知音。

癸丑浴佛日 拳石山人謝逢源題

劉之小退不謂曰耳豈以未各始發其真母年臥承平則必
交與雖全隆未款而一現曰只余因思事皆情而情亦因事
變以昌帝一日出示泐贈謝逢源詩有一德焉和謝詩曰謝
逢源士夙致謝書張布謝語不因人際飄飄卅五載謝謝式謝來其長書并
示謝謝謝學謝善餘



弁言

不佞父兄師友莫不知醫自幼兒聞略識門徑中年以往餬口四方稍稍涉獵
方書窺測素靈微旨家人有恙藉以自治親故見招不能固卻世方多故遂棄
青氊二十年來漸深閱歷爰抒心得用告病家不能阿傅時流安敢背道先哲
亦聊資考鏡云爾玉峯歲寒居士書於吳門市隱廬時在癸丑清和月

醫藥叢書第二集總目

第一種 李冠仙知醫必辨全

第二種 市隱廬醫學雜著全

第三種 莫枚士研經言卷二

第四種 羅謙甫治驗案卷下

第五種 吳氏醫案卷二

第六種 惜分陰軒醫案卷二



市隱廬醫學雜著目錄

苦口婆心語

論溼溫症用藥之誤

痧症喉痛誤以喉症治之必死說

痧症俗名痧子必兼喉痛醫家恫喝人曰爛喉痧者此也

急慢驚風辨

產前以攻病爲安胎說

產後以甘溫退虛熱說

爲虛弱人及幼孩治實症遇當用剋伐之藥者宜早宜重說

小兒難治之症有四說

夾陰症邪說害人論

陰症忌用寒涼說

血症不盡屬火論



喉症亦有陰寒論

暑病有宜用參論

傷寒正名論

...

...

...

...

...

...

...

...

市制國學...



北京中醫藥大學圖書館版權所有

市隱廬醫學雜著

崑山 王德森嚴士甫又號鞠坪著

紹興 裘慶元吉生校刊

苦口婆心語

古語云對病發藥然則藥之當中乎病也明矣夫病有寒熱虛實卽藥有溫涼
攻補汗吐和下苟中乎病病自去矣從未有不究病因不問病狀而概以不着
痛癢無甚寒溫之籠統十數藥一例投之可望去病者乃病家習聞其說以爲
此穩當之方也醫者樂藏其拙以售其欺亦以爲此穩當之方也於是乎桑丹
梔豉等味不待搖筆而已畢集於腕下矣不知此數味者病輕者可服而亦可
不服卽不病者服之亦無害也倘病必以藥愈者而僅以此投之遷延日久使
病益深愈治愈壞至不可起誰執其咎無如積習旣深牢不可破卽有對病之
藥怯者驚焉愚者惑焉妄者議焉忌者謗焉此病之所以不可治也
最可怪者不問何病皆稱發疹皆用豆豉豆卷以表散之至十數劑不止必使

市隱廬醫學雜著

病者汗出如漿舌黑劫津神昏熱陷不得已乃用紫雪至寶等丹以開泄之而不可救矣夫偶感發熱膈間煩悶清其熱可愈何至必出疹子其所以必出疹者蓋以此哄嚇病家欲用豆豉等味耳豈知豆豉豆卷近皆用麻黃湯製與古之桑葉升華水製者溫涼迥別如果出疹而以麻黃溫之可乎不可此溫症之所以轉輾必重也且其所指爲疹皆癩子俗名瘡子耳蚊跡耳水晶虛瘡耳故不曰斑而獨曰疹者取其易於混淆也不然疹由熱而發必當清裏熱必不當溫散以助熱古方具在本草可稽柰何以豆豉豆卷奉爲治疹無上之妙品哉今有以傷寒名家者見人兩三日發熱必指曰此傷寒也及視所處之方則仍豆豉耳豆卷耳不然則牛蒡耳蟬衣耳又不然則浮萍耳桑葉耳枇杷葉耳佐之以陳夏藿樸進之以石斛沙參而其技畢矣其術窮矣其病亦將不可爲矣然尚有背水之一戰曰紫雪丹瀝珠粉至寶丹牛黃丸也不知傷寒之論倡自仲景傷寒之方亦傳自仲景治傷寒者宜必宗仲景矣傷寒解表之劑則有桂

枝麻黃葛根柴胡等湯傷寒清裏之劑則有芩連白虎承氣等湯傷寒利溼之劑則有五苓猪苓茯苓甘草等湯傷寒溫中之劑則有四逆理中真武附子等湯今傷寒家皆不用也而獨用一梔子豉湯不知傷寒方中之梔子用生用以探吐非用以發汗後世改用焦梔已非古法然以之清肺泄熱亦屬治溫良品近世復易以麻黃水製之豆豉則藥性大變利害迥殊而傷寒家偏視爲不祧之俎豆如果傷寒在太陽經用以代麻黃雖非正法尙爲無害至傳入陽明卽不可用矣況用以治溫熱乎乃何以不論有汗無汗與汗多汗少又不論風寒暑溼燥火之六淫喜怒哀憂思悲驚恐之七情并不論勞傷瘡瘍之雜症而謂梔豉一湯豆卷桑葉數味可以治百病而四時皆宜有是理乎此非余誣人之言也請觀於藥鋪中購藥之方其不曰發疹子者有幾不用此數味者有幾亦可以啞然失笑矣

或曰誠如君言病必無發疹乎曰否夫輕者爲疹發於肺重者爲斑發於胃此